

**- SENAT -**

Broj: 01-258/20

Sarajevo, 30. 09. 2020. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17), članom 59. Statuta Univerziteta u Sarajevu, razmatrajući Zahtjev Studentskog parlamenta broj: 184/19-20 od 30. 09. 2020. godine, Senat Univerziteta u Sarajevu je na 19. elektronskoj sjednici održanoj 30. 09. 2020. godine, d o n i o *s l j e d e ć i*

ZAKLJUČAK


1. U Zaključku Senata Univerziteta u Sarajevu broj: 01-19-4/20 od 09. 09. 2020. godine, tačka 3. koja glasi:

„Senat Univerziteta u Sarajevu odobrava dodatni ispitni termin u drugom ispitnom terminu septembarskog ispitnog roka, a uz prethodnu saglasnost Ministarstva za obrazovanje, nauku i mlade Kantona Sarajevo. Dodatni ispitni termin bit će organizovan u periodu 01. 10. - 10. 10. 2020. godine. U dodatnom ispitnom terminu student ima pravo polagati jedan ispit.“

mijenja se i glasi:

„3. Senat Univerziteta u Sarajevu odobrava dodatni ispitni termin u drugom ispitnom terminu septembarskog ispitnog roka. Dodatni ispitni termin bit će organizovan u periodu 01. 10. - 10. 10. 2020. godine. U dodatnom ispitnom terminu student ima pravo polagati jedan ispit.“

2. U Zaključku Senata Univerziteta u Sarajevu broj: 01-19-4/20 od 09. 09. 2020. godine, tačke 1, 2, 4, 5 ostaju nepromijenjene.

REKTOR*Prof. dr. Rifat Škrijelj*

Dostavljeno

- Fakulteti/akademije UNSA
- SPUS-u
- ⊖ Službi za nastavu UNSA
- U dokumentaciju Senata
- Arhivi

**-SENAT-**

Broj: 01-21-253/20

Sarajevo, 30. 09. 2020. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17 i 35/20) i člana 59. Statuta Univerziteta u Sarajevu, a u vezi sa Zahtjevom Studentskog parlamenta Univerziteta u Sarajevu, broj: 182/19-20 od 24. 09. 2020. godine, Senat Univerziteta u Sarajevu je na 19. elektronskoj sjednici održanoj 30. 09. 2020. godine, donio sljedeću

ODLUKU**I**

Odobrava se produženje roka za odbranu završnih radova studenata prvog ciklusa studija zaključno sa 10. 10. 2020. godine, a za studente drugog ciklusa, integriranog i specijalističkog studija na Univerzitetu u Sarajevu zaključno sa 31. 10. 2020. godine.

II

Odobrava se produženje roka podnošenja prijave za upis na drugi ciklus studija zaključno sa 11. 10. 2020. godine.

III

Ova odluka se dostavlja Ministarstvu za obrazovanje, nauku i mlade Kantona Sarajevo na dalje postupanje.

Obrazloženje

Razmatrajući Zahtjev Studentskog parlamenta Univerziteta u Sarajevu za produženje roka za odbranu završnih radova na drugom ciklusu studija, a uzimajući u obzir izmijenjeni način rada fakulteta/akademija uslijed epidemije koronavirusa (COVID-19), te s tim u vezi izdatih naredbi i preporuka nadležnih organa, kao i izmjene Akademskog kalendara Univerziteta u Sarajevu, Senat Univerziteta u Sarajevu je donio odluku kao u dispozitivu.

REKTOR
Prof. dr. Rifat Škrijelj

Dostavljeno

- Fakulteti/akademije UNSA
- Ministarstvo za obrazovanje, nauku i mlade Kantona Sarajevo
- Univerzitetsko-teleinformatički centar
- ⊖ Službi za nastavu UNSA
- U dokumentaciju Senata
- Arhivi



- SENAT -

Broj: 01-259/20

Sarajevo, 30. 09. 2020. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17), članom 59. Statuta Univerziteta u Sarajevu, razmatrajući Zahtjev Studentskog parlamenta broj: 186/19-20 od 30. 09. 2020. godine, Senat Univerziteta u Sarajevu je na 19. elektronskoj sjednici održanoj 30. 09. 2020. godine, d o n i o *s l j e d e ć i*

ZAKLJUČAK

1. Senat Univerziteta u Sarajevu podržava Zahtjev Studentskog parlamenta Univerziteta u Sarajevu za produženje roka za upis studenata u narednu studijsku godinu na fakultetima i akademijama Univerziteta u Sarajevu, broj: 186/19-20 od 30. 09. 2020. godine, koji čini sastavni dio ovog zaključka.
2. Rok za upis studenata u narednu studijsku godinu produžava se do 15. 10. 2020. godine.

REKTOR


Prof. dr. Rifat Škrjelj



Dostavljeno

- Fakulteti/akademije UNSA
- SPUS-u
- Službi za nastavu UNSA
- U dokumentaciju Senata
- Arhivi

Datum: 30.09.2020. godine
Broj: 186/19-20

BOSNA I HERCEGOVINA
UNIVERZITET U SARAJEVU
SENAT

- n/r Rektora, prof. dr. Rifata Škrijelja

**PREDMET: ZAHTJEV ZA PRODUŽENJE ROKA ZA UPIS NA
FAKULTETE/AKADEMIJE UNIVERZITETA U SARAJEVU**

Poštovani,

S obzirom na izmjene Akadenskog kalendara, kao i na dodatni ispitni termin koji će biti realiziran u periodu 01.10. – 10.10.2020. godine, predlažemo produženje roka za upis u narednu studijsku godinu do 15.10.2020. godine, kako bi studenti, kao i nastavno i administrativno osoblje imali dovoljno vremena za provedbu svih aktivnosti koje je potrebno realizirati prije samog upisa.

S poštovanjem,

PREDSJEDNIK

Hamza Vahid El-Din, s.r.